

四庫全書

集部

欽定四庫全書

集部

文苑英華卷一百六十五

六

詳校官內閣學士臣瑞保

助教臣常循覆勘

總校官進士臣朱 鈐

校對官庶吉士臣祖之望

謄錄舉人臣郭文鈺

含山氣雲歸帶雨餘

玄圃濬池

王褒

長沙春水滿臨汎廣川中石壁如明鏡飛橋類飲虹垂
楊夾浦綠新桃綠樹紅對樓還泊岸迎波鬢守風漁舟
釣欲滿蓮房珠半空於茲臨北閣非復坐墟東

山池應令

徐陵

畫舸圖仙獸飛艫挂采旂榜人事輕槳釣女理銀鈎細
萍時帶櫂低荷乍入舟猿啼知谷晚蟬思覺山秋

欽定四庫全書

文苑英華卷一百六十五

宋

李昉等

編

地部七

池二十五首

游泛三十八首

池

和山池

庾信

樂宮多暇豫望苑暫回輿鳴笳陵絕浪飛蓋歷通渠桂
亭花未落桐門葉半踈荷風驚浴鳥橋影聚行魚日落

奉和山池

前人

羅浮無定所，鬱鳥屢遷移。不覺因風雨，何時入後池。樓臺非一勢，臨翫自多奇。雲生對戶石，猿掛入欄枝。

經豐城劔池

陰鏗

清池自湛淡，神劔久遷移。無復連星氣，空餘似月池。夾

篠澄深谷

類聚作淶

含風結細漪。唯有連花萼，還想匣中雌。

唐都尉山池

崔湜

曲渚颺輕舟，前溪釣晚流。鴈翻蒲葉起，魚撥荇花遊。金

子懸湘柚珠房坼海榴幽尋惜未已清月半西樓

萍池

王維

春池深且廣會待輕舟迴靡靡綠萍合垂楊掃復開

題滎二山池

孟浩然

甲第開金穴滎期樂自多捭嘶支遁馬池養右軍鵝竹
引携琴入花邀載酒過山公來取醉時唱接離歌

題沈東美員外山池

前人

仙郎偏好道鑿沼象瀛洲魚樂隨情性船行任去留秦

人辨鷄犬堯日識巢由歸客衡門外仍憐反景幽

觀崔郎中漲新池

盧綸

引水春山近穿雲復遶林纔聞籬外響已覺石邊深滿
處侵苔色澄來見柳陰微風明月夜知有五湖心

題興善寺後池

前人

隔牕棲白鳥似與鏡湖隣月照何年樹花逢幾遍人岸
莎青有路苔徑綠無塵永願容依止僧中老此身

秋池二首

白居易

身閒無所為心閒無所思况當故園夜復此新秋池岸
聞鳥栖後橋明月出時菱風香散漫桂露光參差淨境
多獨得幽懷竟誰知悠然心中語自問來何遲

二

朝衣薄且健晚簾清仍滑社近燕影稀雨餘蟬聲歇閒
中得詩境此境幽難說露荷珠自傾風竹玉相憂誰能
一同宿共翫新秋月暑退早涼歸池邊好時節

新池

前人

數日自穿鑿引泉來近陂尋渠通咽處繞岸待清時深
好求魚養閒堪與鶴期幽聲聽難盡入夜睡常遲

南池

前人

蕭條微雨絕荒岸抱清源入舫山侵塞分泉道接村秋
聲依樹色月影在蒲根淹泊方難遂他宵關夢覓

宿池上

前人

泉來從絕壑亭敞在中流竹密無空岸松長可絆舟
蟪蛄潭上夜河漢島前秋異夕期深漲携琴却此遊

池上宿

劉得仁

事事不求奢長吟省歎嗟無才甘世棄有句向誰誇老
樹呈秋色空池浸月華涼風白露夕此境屬詩家

宣義池上

前人

脩篁夾綠池幽鳥此中飛何必青山遠仍將白髮歸當
時亦有恨是日總無機樹起秋風細西林磬入微

官池上

僧無可

迥疏城闕內寒瀉出雲波岸廣山魚到汀聞海鷺過泛

溝侵道急流葉入宮多移舸浮中泚青宵徹曉河

京兆公池上作

溫庭筠

稻香山色疊平野接荒陂蓮少舟行遠萍多釣下遲壤隄泉落處涼簟雨來時京口兵堪問何因入夢思

宿友人池

前人

背墻燈色暗宿客夢初成半夜竹窓雨滿池荷葉聲簟涼秋閣思木落故山情明發又愁起桂花溪水清

于秀才小池

方干

一泓瀲灩復澄明，半日功夫斲小庭。
占地無過四五尺，浸天應入兩三星。
鷓鴣舟草際浮，霜葉魚火沙邊駐。
水螢繞見規模識，方寸知君立意象滄溟。

池上

鄭谷

池樹愜幽獨，狂吟學解嘲。
露荷香自在，風竹冷相敲。
喪志嫌孤宦，忘機愛澹交。
仙山如有分，必擬訪三茅。

興州東池

前人

南連乳郡流，潤碧浸晴樓。
徹底千峯影，無風一片秋。
垂

楊拂蓮葉返照媚漁舟鑿貌還惆悵難遮兩鬢羞

盆池

張蠙

圓因陶化功外絕衆流通選處離松影穿時減藥叢別
疑天在地長對月當空每使登門客烟波入夢中

遊泛

首夏泛天池

梁武帝

薄遊朱明節泛漾天淵池舟楫互容與蘋藻相推移碧
沚紅菡萏白沙青漣漪新波拂舊石殘花落故枝葉軟

風易出草密路難披

北寺寅上人房望遠岫翫前池 王筠

安期遂長往交甫稱高讓
遠跡入滄溟輕舉馳崑閭
良由心獨善兼且情遊放
豈若狗幽棲即日窮清曠
激水周堂下屯雲塞檐向
閭牖聽奔濤開窓延疊嶂
前階復虛泂瀾迤成洲漲
雨點散圓文風生起斜浪
遊鱗互澆澆羣飛皆哢吭
蓮葉蔓田田菱花動搖漾
浮光曜庭廡流芳襲帷帳
匡坐足忘懷詎思江海上

春日臨池

溫子昇

光風動春樹，丹霞起暮陰。
嵯峨映連壁，飄搖下散金。
徒自臨濠渚，空復撫鳴琴。
莫知流水曲，誰辨遊魚心。

同會河陽公新造暗山池聊得寓目

庾信

橫階仍鑿澗，對戶即連峯。
暗石疑藏虎，盤根似卧龍。
沙洲聚亂荻，洞口礙橫松。
引泉恒數派，開巖即十重。
北閣聞吹管，南隣聽擊鐘。
菊花正合杯，香酒絕濃由來魏。

公子今日始相逢

和濬池初成清晨臨泛

前人

千金高堰合百頃浚源開翻逢積草浪更識昆明灰猿
嘯風還急鷄鳴潮即來時看青雀舫遙逐桂舟迴

安德山池宴集

李百藥

朝宰論思暇高宴臨方塘雲飛鳳臺管風動令君香細
草開金埒流霞泛羽觴虹橋分水態鏡石引菱光上才
同振藻小伎謬連章懷陰自蘭室徐步返山莊

同前

劉洎

平陽擅歌舞金谷盛招携何如魚往烈命賞叶幽棲已
均朝野致還欣物我齊春晚花方落蘭深逕漸迷蒲新
節尚短荷小蓋猶低無勞拂長袖自待夜烏啼

同前

岑文本

甲第多清賞芳辰命羽卮書帷通竹逕琴臺枕槿離池
疑夜壑徙山似鬱洲移雕楹網蘿辟激瀨合埧麕鳥戲
翻新葉魚躍動清漪自得淹留趣寧勞攀桂枝

同前

楊績

狹斜通鳳闕上路抵青樓簪紱啟賓館軒蓋臨御溝西
城多妙舞主第出名謳列峯疑宿霧䟽壑擬藏舟花蝶
亂風影蘋藻含春流酒闌高宴畢自反山之幽

同前

許敬宗

戚里歡娛地園林矚望新山庭帶芳杜歌吹叶陽春臺
榭疑巫峽荷蕖似洛濱風花榮少女虹梁聚美人宴遊
窮至樂談笑畢良辰獨歎高陽晚歸路不知津

同前

褚遂良

伏檻丹霞外，遮園煥景舒。
行雲泛層阜，蔽月下清渠。
亭中奏趙瑟，席上舞燕裾。
花落春鶯晚，風光夏葉初。
良朋比蘭蕙，雕藻邁瓊琚。
獨有狂歌客，來承歡宴餘。

同前

上官儀

上路抵平津，後堂羅薦陳。
締交開狎賞，麗席展芳辰。
密樹風烟積，迴塘荷芰新。
雨霽虹橋晚，花落鳳臺春。
翠斂低舞席，文杏散歌塵。
方惜流觴滿，夕鳥已城闈。

于長史山池三日曲水

陳子昂

摘蘭藉芳日

集作月

被宴坐迴汀汎灑清流滿歲蕤白芷

生金絃揮趙瑟玉柱弄秦箏巖榭風光媚郊園春樹平
烟花飛御道羅綺照昆明日落紅塵合車馬亂縱橫

和元舍人萬頃臨池翫月戲為新體

沈佺期

春風搖碧樹秋霧卷丹臺復有相宜夕池清月正開玉
流含吹動金魄度雲來熠燿光如沸翩翩景若摧半環

投積草碎壁聚流盃夜久平無渙天清皎未墮鏡將池
作匣珠以岸為胎有美司言暇高興獨悠哉揮翰初難
擬飛名豈易陪夜光珠在握了了見沈灰

和常承慶遊義陽公主山池五首

杜審言

野興城中發朝英物外求情懸珠

集作朱

絳望契動赤泉

遊海燕巢書閣山鷄舞畫樓雨餘清晚夏共坐此巖幽

二

逕轉危峯逼橋斜缺岸妨玉泉移酒味石髓換稂香綰
霧青條弱牽風紫蔓長猶言宴樂少別向後池塘

三

携琴繞碧沙搥筆弄清霞杜若幽庭草芙蓉曲沼花宴
遊成野客形勝得山家往往留仙步登攀日易斜

四

攢石當軒倚懸泉渡牖飛鹿麕衝妓席鶴子曳童衣園
果嘗難遍池蓮摘未稀捲簾惟待月應在醉中歸

五

賞翫期他日高深愛此時池為八水背峯作九山疑地
靜魚常逸人閒鳥欲欺清溪流別興更與白雲期

嘗與大理丞袁公太府丞田公偶詣一所林沼
尤勝因並坐其次相得甚歡遂賦詩焉以詠
其事

張九齡

方駕與吾友同懷不異尋偶逢池竹處便會江湖心夏
近林方密春餘水更深清華兩暉映閒步一窺臨蘋藻

復佳色。鳧鷖亦好音。韶芳媚洲渚。惠氣襲衣襟。蕭散皆
為樂。徘徊從所欽。謂子集作予成夙志。歲晚共抽簪。

過崔駙馬山池

王維

畫

集作書

樓吹笛妓。金埒酒家胡。錦石稱貞女。青松學大

夫。脫貂賞桂酌。射鴈與山厨。聞道高陽會。愚公谷正愚。

靈雲池送從弟

前人

金盃緩酌清歌轉。畫舸輕移艷舞迴。自嘆鵝鷄臨水別
不同。鴻鴈向池來。

鄭駙馬池臺喜遇鄭廣文同飲 杜甫

不為生戎馬何知共酒盃
燃臍郿塢敗握節漢臣回
白髮千莖雪丹心一寸灰
別離經此地披寫忽登臺
重對秦蕭發俱過阮巷來
留連春夜舞淚落更徘徊

同族姪評事黯遊昌禪師山池 李白

遠公愛康樂為我開禪關
蕭然松石下何異清涼山
花將色不染水與心俱閒
一坐度小劫觀空天地間

奉和苑舍人宿直曉翫新池亭寄南省友

沈東美

傳聞閭闔裏寓直有神仙史為三墳博郎因五字遷晨
臨翔鳳沼春注躍龍泉去似登天上來如看鏡前影
宸翰發波淨列星懸既濟仍懷友流謙欲進賢
聲實貴覆被渥恩偏温室言雖阻文場契獨全
玉珂光赫奕朱紱氣蟬聯興逸潘仁賦名高謝眺篇
青雲仰不逮白雪和難牽冉冉胡為此甘心老歲年

蘇著作山池

賈彥璋

水榭子雲家蓬瀛宛不賒芥舟浮是葉蓮岫發為花酌
蟻開春瓮視魚憑海查遊蘓多石友題贈滿瑤華

陪中書李紆舍人夜泛東池 盧綸

看月復聽琴移舟出柳陰夜村機杼急秋水菱荷深石
靜龜潛上萍開果一作葉暗沈何言盃酒興得見五湖心

宴楊駙馬山池 韓翃

垂楊拂岸草茸茸繡戶簾前花影重
鱸下玉盤紅縷細酒開金瓮綠醅濃
中朝駙馬何平叔南國詞人陸士龍

落日泛舟同醉處，迴潭百丈映千峯。

池上早春即事

集作招

夢得

白居易

老更驚年故

集作改

閒先覺日長晴，薰榆莢黑春染柳梢。

黃雪破山呈色，冰融水放光低平穩。船舫輕暖好衣裳，白角三升榼。紅茵六尺牀，偶遊難得伴，獨醉不成狂。我有中心樂，君無外事忙。經過莫慵懶，相去兩三坊。

池上閒詠

前人

青莎臺上起書樓，綠藻潭中繫釣舟。日晚愛行深徑裏。

月明多在小橋頭暫嘗新酒還成醉亦出中門便當遊
一部清商聊送老白鬚蕭颯管絃秋

酬裴相公題興化小池見招長句

前人

為愛小塘招散客不嫌老監與新詩山公倒載無妨學
范蠡扁舟未要追蓬斷偶飄桃李徑鷗鷺誤拂鳳凰池
敢辭課拙酬高韻一勺爭禁萬頃陂

遊宣義池亭

姚合

春入池亭暖風光老更鮮
尋芳行不困逐勝坐還遷
細

草亂如髮幽禽語似蟬

集作鳴似絃

苔文翻古畫石色學秋

天花落能漂酒萍開解避船
暫來猶愈疾久住合成仙

迸筍支堦起垂藤壓樹偏
此生應借看自料買無錢

金州晚夏陪姚員外南池 僧無可

柳暗清波漲衝萍復漱苔
張帆

高僧詩作筵

白鳥起掃岸使

君來洲島秋應沒荷花曉

高僧詩作晚

盡開高城吹角罷駟

馭尚徘徊

與諸公池上待月

楊發

樹密雲繁岸池遙水際空
菱開方吐鏡蘋動欲含風
漸映沙汀白微分渚葉紅
金波宜共賞仙棹一宵同

陪王尚書泛蓮池舟

許渾

蓮塘移畫舸泛泛日華清
水暖魚頻躍烟秋鴈早鳴
舞疑迴雪態歌轉過雲聲
客散山公醉風高月滿城

和沈叅軍招友生觀芙蓉池
溫庭筠

桂棟坐清曉瑤琴雙鳳絲
况聞楚澤香適與秋風期
遂

使棹萍客靜嘯烟草涓倒影回澹蕩愁紅媚漣漪湘莖
久蘚澁宿雨增離披而我江海意楚遊動夢思北渚水
雲蔓南塘烟露枝豈亡池榭芳獨與鷗鳥知珠墜魚迸
淺影多鳧泛遲落英不可奪返照昏澄陂

泛觴池

薛能

通咽遠華罇泛觴名自君淨看籌見影輕動酒生紋細
滴隨盃落來聲就浦分便應半酣後清冷漱魚雲

春盡獨遊慈恩寺南池

趙嘏

竹外池塘烟雨收，送春無伴亦遲留。
秦城馬上半年客，潘鬢水邊今日愁。
氣變晚雲紅映闕，風含高樹碧遮樓。
杏園花落遊人盡，獨為圭峯一舉頭。

文苑英華卷一百六十五

欽定四庫全書

文苑英華卷一百六十六 宋 李昉等 編

地部八

池雜題七首

溪九首

游泛二十八首

雜題二十一首

池雜題

題壽安王主簿池館

蘇頲

洛邑通馳道，韓郊在屬城。館將花雨映，潭與竹聲清。賢

俊鸞栖棘宿遊馬佩衡願言隨狎鳥從此濯吾纓

和伊集作尹

諫議史館山池作

王維

雲館接天居霓裳侍玉除春池百子外芳樹萬年餘洞

有仙人籙山藏太史書君恩深漢帝且莫上空一作雲虛

野居池上有月

前人

悠然雲間月復此照池塘泣露蒼茫濕沉波澹灩光應
門當未曙歌吹滿昭陽遠近徒傷目清輝靄自長

雨後宿劉司馬池上

賈島

藍溪秋漱玉，此地漲清澄。
蘆葦聲兼雨，菱荷香遶燈。
岸頭秦古道，亭面漢荒陵。
靜想泉根本，幽崖落幾層。

盧氏池上遇雨贈同遊

溫庭筠

簾翻涼氣集，溪上潤殘碁。
萍皺風來後，荷喧雨到時。
寂寥閒望久，飄洒獨歸遲。
無限松江恨，勞君解釣絲。

習池晨起

皮日休

清曙蕭森載酒來，涼風相引繞亭臺。
數聲翡翠背人去，一番芙蓉含日開。
芙蓉深埋釣艇魚兒漾漾逐流盃。

竹屏風下登山屐十宿高陽忘却迴

官池秋夕

羅隱

池邊月影閒婆娑池上醉來成短歌
芙蓉蕩抵死怨珠露蟋蟀苦口嫌金波
往事向人言不得舊曾遊臨老恨空多
松膠作酒蘭為棹十載煙塵奈爾何

溪

入少密溪

沈佺期

雲峯苔壁遶溪斜江路香風夾岸花樹密
不言通鳥道

鷄鳴始覺有人家，人家更在深巖口。
澗水週流宅前後，遊魚瞥瞥雙釣童。
伐木丁丁一樵叟，自言避喧非避秦。
薜衣耕鑿帝堯人，相留且待鷄黍熟。
夕卧深山蘿月春。

過清溪水作

王維

言入黃花川，每逐清溪水。
隨山將萬轉，趣途無百里。
聲喧亂石中，色淨深松裏。
演漾泛菱荇，澄澄映葭葦。
我心素已閒，清川澹如此。
請留盤石上，垂釣將已矣。

姑熟溪

李白

愛此溪水閒乘流興無極漾楫怕鷗驚垂竿待魚食波
翻曉霞影岸疊春山色何處浣紗人紅顏未相識

清溪行

前人

清溪清我心水色異諸水借問新安江見底何如此人
行明鏡中鳥度屏風裏向曉猩猩啼空悲遠遊子

同前

前人

輕舟去何疾已到雲林境起坐魚鳥間動搖山水影巖
中響自合疑作溪裏言彌靜無事令人幽停橈向餘景

答

雲母溪

劉長卿

雲母映溪水溪流知幾春
深藏武陵客時過洞庭人
白髮慙皎鏡清光媚
龠淪寥寥古松下歲晚掛頭巾

白雲溪

吳 鞏

山徑入修篁深林蔽日光
夏雲生嶂遠瀑水引溪長
秀跡逢皆勝清芬坐轉涼
回看玉樽夕歸路賞前忘

晚次宣溪

韓 愈

韶州南去接宣谿雲水蒼茫日向西
客淚數行元

集作先

自落鷓鴣休傍耳邊啼

宿黑竈溪

張籍

夜到碧溪裏無人秋月明
逢幽便移宿取伴亦探行
花下紅泉色雲西乳鶴聲
明朝記歸處石上自書名

遊泛

泛長溪

任昉

殖祿聚歸糧遠隱謝羈勒
絕物甘離羣長懷忍去國
長溪永東舍震區窮水域
道遇垂綸叟聊長問津感
弭楫

申九言無為累牽纏長泛滄浪水從明至曠黑

落日泛舟東溪

前人

黝黝桑柘繁芄芄麻麥盛交柯溪易陰反景澄餘映吾
生雖有待樂天庶知命不學梁甫吟唯識滄浪詠田荒
我有役秩滿余謝病

偶遊龍門北溪忽懷驪山別業因以言志示弟

淑奉呈諸大寮

常嗣立

幽谷杜陵邊風煙別幾年偶來伊水曲溪嶂覺依然傍

浦憐芳樹尋崖愛綠泉
嶺雲隨馬足山鳥向人前
地合心俱靜言因理自玄
短材叨重寄尸祿愧妨賢
每挹挂冠侶思從初服旋
稻梁仍欲報歲月坐空捐
助岳無纖塊輸滇謝末涓
還悟北轅失方求南澗田

奉酬龍門北溪作

張說

石澗泉虛落松崖路曲迴
聞君北溪下想像南山隈
近念鼎湖別遙思雲障陪
不知竒覲往空覲斯文來
歲後寒初變春前芳未開
黃蕤裊岸柳紫蒼集作
拆村梅盡萼

室茲遊翫盈門幾樂哉嗟留洛陽陌夢詣建章臺野有
巢由性朝非元凱才布懷欽遠迹幽意日塵埃

同前

崔泰之

關塞臨秋水驪山枕霸川俱臨隱路側同在帝城邊謝
公兼出處携妓翫林泉鳴鶻噴梅雪飛蓋曳松煙聞琴
幽谷裏看奕古巖前落日低帷帳歸雲繞管絃叨榮慙
北闕微尚愛東田寂寞灰心盡蕭條塵事牽朝思登漸
絕夜夢弄潺湲宿懷南澗意况覩北溪篇

同前

崔日知

夙齡秉微尚中年忽有隣以茲山水癖遂得狎通人迨
我咸京道聞君別業新巖前窺石鏡河畔踏芳茵既憐
伊浦綠復憶灞池春連詞謝家子同歡冀野賓趣閑魚
共樂情洽鳥來馴詎念昔遊者祇命獨留秦蕭條潁陽
戀冲漠漢陰真無由陪勝躅空此翫書筠

同前

魏奉古

有美朝為貴幽尋地自偏踐臨伊水汭想望灞池邊是

遇皆新賞茲遊若舊年
藤蘿隱路接楊柳拂其作溝聯御

道愜神情王機忘俗理
捐遂初誠已重兼濟實為賢跡
是東山上心仍北闕前
顧慙經拾紫多謝賦思玄未躡
中林步空承華藻傳陽春和已寡
扣寂竟徒然

泛鏡湖南溪

宋之問

乘興入幽棲舟行日向低
巖花候冬發谷鳥作春啼
啻嶂開天小叢篁夾路迷
猶聞可憐處更在若耶溪

耒陽谿夜行

張九齡

乘夕棹歸舟緣源路轉幽月明看嶺樹風靜聽谿流嵐
氣船間入霜華衣上浮猿聲雖此夜不是別家愁

東谿翫月

王維

月從斷山口遙吐柴門端萬木分空霽流陰中夜攬光
連虛象白氣與風露寒谷靜秋泉響巖深青靄殘清澄
入幽夢破影抱空巒恍惚琴窻裏松溪曉思難

秋浦清溪雪夜對酒客有唱山鷓鴣者

已見一百五十

卷五

李白

秋浦與同生

集作周剛

宴清溪玉鏡潭

前人

康樂上官去永嘉遊石門江中

集作亭非

有孤嶼千載跡猶

存我來憇秋浦三入桃波

集作波

源千峯照積雪萬壑盡

啼猿興與謝公合文因周子論掃崖去落葉帶月開酒

樽溪當大樓南溪水正南奔迴作玉鏡潭澄明洗心魂

此中得佳境可以絕囂喧清夜方歸來酣歌出平原別

後經此地為余謝蘭蓀

春泛若耶溪

綦母潛

幽意無斷絕，此去隨所偶。好風吹行舟，落花

丈粹作花路入

溪口際，夜轉西壑隔。山望南斗潭，煙飛溶溶林。月低向

後生事，且彌漫。願為持竿叟。

上巳日越中與鮑侍御泛舟若耶溪

劉長卿

蘭橈萬轉望汀沙

集作傍汀葭

應接

集作隔

雲峯到若耶，舊浦

遠來移渡口。垂楊深處有人家，永和春色千年在。曲水

鄉心萬里賒君見魚船時借問前洲幾路入煙花

奉陪鄭中丞自宣州解印與諸姪宴餘干後溪

前人

跡遠親魚鳥功成厭鼓鼙林中阮生集池上謝公題戶
牖垂藤合藩籬插槿齊夕陽山向背春草水東西看竹
誰家好尋花幾路迷何勞問秦漢更入武陵溪

答秦徵君除少府春日見集茗溪酌梁耿別後

見寄六言

前人

晴川落日初低

一作清川
永路何極

惆悵

一作落日

孤舟解携鳥向平

蕪

一作浮萍

遠近人隨流水東西白雲千里萬里明月前溪

後溪獨恨長沙謫去江潭春草萋萋

泛若耶溪

丘為

結廬若耶裏左右若耶水無日不釣魚有時向城市溪
中流水急渡口水流寬每得樵風便往來殊不難一川
草長綠四時那得辨短褐衣妻兒餘糧及鷄犬日暮鳥
雀希稚子呼牛歸住處無隣里柴門獨掩扉

溪行即事

釋靈一

近夜山更碧入林溪轉清不知伏牛路潭洞何縱橫曲
岸煙已合平湖月未生孤舟屢失道但聽秋泉聲

雨後欲往天目山問元駱二公溪路

前人

昨夜雲生天井東春山一雨幾迴風林花併逐溪流下
欲上龍池通不通

奉陪顏使君修韻海畢東溪泛舟餞諸文士

釋皎然

諸侯崇魯學羔鴈日成羣外史刊新韻中郎定古文菁
華兼百氏雅素備三墳國語思開物王言欲致君研精
業已就歡宴惜應分獨望西山去將身寄白雲

西溪獨泛

前人

道情何所寄素舸漫流間真性憐高鶴無名羨野山輕
寒苦竹秀入靜片雲閒泛泛誰為侶唯應共月還

若溪春興

前人

春生若溪水雨後漫流通
芳草行無盡春源去不窮
野煙迷極浦斜日起微風
數處乘流望依稀似剡中

遊溪待月

前人

溪色思泛月沿洄欲未歸
殘燈逢水店踈磬憶山扉
夜浦魚驚少空林鵲遶
稀可中纔望見撩亂擣寒衣

奉陪侍中遊石笋溪十二韻

盧綸

朝日照靈山中溪浩紛錯
圖書無舊記絲禹應新鑿
雙壁瀉天河一峯吐蓮萼
潭心亂雪卷巖腹繁珠落
彩蛤

攢錦囊芳蘿嬾花索猿羣曝陽嶺龍穴腥陰壑靜得漁
者言閒聞洞仙博歌松倚朱幃廣石屯油幕國泰事留
侯山春縱康樂間關殊狀鳥爛漫無名藥欲驗少君方
還吟大隱作旌幢不可駐古塞新沙漠

雲溪遠望

張籍

雲水碧悠悠西亭古岸頭夕光生遠岫斜照逐迴流此
地動歸思逢君方倦遊吳興者舊盡空見白蘋洲

和韓吏部泛南溪

賈島

溪裏晚從池岸出石泉秋急夜深聞木蘭船共山人上
月映渡頭零落雲

泛溪

項斯

溪船泛數里便覺少炎暉動水花連影逢人鳥背飛深
猶見白石涼好換生衣未得多詩句終須隔宿歸

藍溪夜坐

張喬

藍水警塵夢夜吟開草堂月臨山靄薄松滴露花香詩
外真風遠人間靜興長明朝訪禪侶更上翠微房

雜題

入峭峽

陳子昂

蕭徒歌伐木驚

或作驚

檝漾輕舟靡迤隨波水潺湲沂淺

流煙沙分兩岸露

或作霧

島夾雙洲古樹連雲密交峯入

浪浮巖潭相映媚溪谷屢環周路迴光踰逼山深興轉

幽靄颯寒思晚猿鳥暮聲秋誓息蘭臺策將從桂樹遊

因書謝親愛千歲覓蓬丘

白湖守後溪宿雲門

常建

落日山水清，亂流鳴淙淙。舊浦雨抽節，新花水對窓。溪
中日已沒，歸鳥多為雙。杉松引直路，出谷臨前湖。洲渚
晚色靜，又觀花與蒲。入溪復登嶺，草淺寒流速。圓月明
高峯，春山因獨宿。松陰澄初夜，曙色分遠日。日出城南
隅，青青媚川陸。亂花覆東郭，碧氣銷長林。四郊一清影，
千里歸寸心。前瞻王程促，却戀雲門深。畢竟有餘興，到
家彈玉琴。

若耶溪逢孔九

綦母潛

相逢此溪曲勝託在煙霞潭影竹裏動巖陰一作簷外一作

斜人言上皇代犬吠武陵家借問淹留日春風滿若耶

此詩二百一十八卷重出今已削去

酬綦母校書夢若耶溪見贈 儲光羲

校文在仙掖每有滄洲心况此北窓下夢遊青溪陰春
看湖口漫夜入迴塘深往往纜垂葛出舟望前林山人
松下飯釣客蘆中吟小隱何足貴長年固可尋還車首
東道惠言若南金以我採薇意傳之天姥岑

留題李明府雪溪水堂

前人

寥寥此堂上幽意獨難論
落日無王事青山在縣門
雲峰向高枕漁釣入前軒
竹動踈簾影苔生雙履痕
荷香隨坐卧湖色映晨昏
虛牖閒生白鳴琴靜對言
暮禽飛下上春水帶清渾
遠岸誰家柳流煙何處村
謫居投瘴癘離思過湘沅
從此扁舟去誰堪江浦猿

尋東溪還湖中作

劉昫虛

出山更迴首日暮清溪深
東嶺新別處數猿叫空林
昔

遊有初跡此路還獨尋幽興方在往歸懷復為吟雲峯
勞前意湖水成遠心望望已超越坐鳴舟中琴

潁陽東溪懷古

崔曙

靈溪氛霧歇皎鏡清心顏空色下映水秋聲多在山世
人又踈曠萬物皆自閒白鷺寒更浴孤雲晴未還昔時
讓王者此地閉柴關無以躡高步淒涼岑壑間

太白東溪張老舍即事寄舍弟姪等

岑參

渭上秋雨過北風暮騷騷天情諸山出太白峯最高主
人東溪老兩耳生長毫遠近知百歲子孫皆二毛中庭
井欄上一架獼猴桃石泉飯香杭酒瓮開新槽愛茲田
中趣始悟世上勞我行有勝事書此寄爾曹

弋陽溪中望仙人城

顧况

何草乏靈姿無山不孤絕我行雖云蹇偶勝聊換節上
界浮中流光響洞明滅曉禽曝霜羽寒魚依石髮自有
無還心隔波望松雪

静林精舍即梁武隱所有鐘磬並古物

釋靈一

静林溪路遠蕭帝有遺蹤
水擊羅浮磬山鳴于闐鐘
燈傳三際火樹老萬株
松無復雲霞色空聞昔卧龍

同李洗馬入餘不溪經辛將軍故城

釋皎然

慘慘寒城望將軍下世時
高墉暮草遍大樹野風悲
壁壘今猶在勳庸近可思
蒼然古溪上川逝共淒其

剡溪行却寄別新者

朱放

潺湲寒溪上自此成離別
迴首望歸人移舟逢暮雪
頻行識草樹漸老傷年髮
唯有白雲心為向東山月

越溪村居

戴叔倫

年來晚客寄禪扉多話貧
居在翠微黃雀數聲催
柳變清溪一路踏花歸
空林野寺經過少落日深
山伴侶稀負米到家春未
盡風籬閒掃釣魚磯

清溪路中寄常于二侍御

崔備

偏郡隔雲岑溪迴路更深少留攀桂樹畏渴望梅林野
笋資公膳山花慰客心別來無信至可謂井鉞沉

將移耶溪舊居留呈嚴長史陳祕書

秦系

鷄犬漁舟裏長謠任興行即今邀客醉已被遠山迎書
笈將非重荷衣著甚輕謝安無箇事忽起為蒼生

假攝池州留別東溪隱居 朱灣

一官仍是假豈願數離羣愁鬢看如雪浮名認是雲暫

辭南國隱莫勒北山文今夜松溪月還應夢見君

溪行逢雨與柳中庸

李端

日落衆星分蕭蕭暮雨繁那堪兩處宿共聽一聲猿

贈同溪客

張籍

幽居得相近煙景亦寥寥共伐臨谿樹同為過水橋
自教仙鶴舞分採紫芝苗更愛南峯好尋君恐路遥

芙蓉溪送前資州裴使君歸京寧拜戶部裴侍

郎

薛逢

桑柘林枯麩麥乾欲分離
袂百憂攢臨溪莫話前途遠
舉酒湏歌後會難薄宦未甘
霜髮改夾衣猶耐水風寒
遙知阮巷歸寧日幾院兒
童候馬看

宿裴氏谿居懷厲玄先輩
馬戴


樹下孤石坐草間微有霜
同人不同此零鳥自南翔
迢遞夜山色青冷泉月光
西風耿離抱江海遙相望

雪溪晚泊寄裴庶子
羅隱

溪風如扇雨如絲閒步閒
吟柳暉詩杯酒踈狂如曩日

文苑英華卷一百六十六

野花狼籍似當時道窮漫有依劉感才急應無借寇期
滿眼雲山莫相笑與君俱是受深知



欽定四庫全書

集部

文苑英華卷一百

六十七至
七十

詳校官內閣學士臣瑞保

助教臣常循覆勘

總校官進士臣朱 鈐

校對官庶吉士臣祖之望

謄錄舉人臣郭文誌

奉和皇帝上禮撫事述懷一首

皇帝上禮撫事述懷一首

扈從登封途中作四首

龍池篇一首

大同殿生玉芝龍池上有慶雲百官共覩聖恩便
賜宴樂因書即事一首

駕出長安一首

駕幸河東一首

皇帝聖感詞四首

天長地久詞五首

欽定四庫全書

文苑英華卷一百六十七

宋

李昉等編

帝德

執契靜三邊一首

奉和執契靜三邊應詔一首

觀大駕出叙事寄懷一首

織錦作太平詩一首

在雋州遥叙封禪一首

宣政殿芝草一首

大禮畢皇帝御丹鳳門改元建中大赦一首

還京樂歌詞一首

春日奉獻皇壽無疆詞十首

太和戊申歲大有年詔賜百僚出城觀秋稼謹書
盛事以俟采詩者一首

今皇帝陛下詔徵兵不日功集河湟諸郡次第歸
降臣獲覩聖功輒獻歌詠一首

奉和白相公聖德和平致茲休運歲終功就合詠

盛明呈上三相公一首

歌詠聖德追懷天寶因題闕亭一首

宣政殿前陪位觀冊憲宗皇帝尊號一首

元日樓前觀仗二首 三年冬大禮五首

昇平詞五首 朝元引四首

聖帝擊壤歌一首 歲仗一首

執契靜三邊

唐太宗

執契靜三邊持衡臨萬姓玉彩輝闕燭金華流日鏡無

為宇宙清有美璇璣正皎珮星連景飄衣雲結慶戢戈
榮七德昇文輝九功煙波澄舊碧塵火息前紅霜野藹
蓮劔關城罷月弓錢綴榆天合新城柳塞空花銷葱嶺
雪殺盡流沙霧秋駕轉兢懷春冰彌軫慮書絕龍庭羽
烽休鳳穴戍衣宵寢二難食肝殮三懼剪暴興先廢除
凶存昔亡圖蓋歸天壤方輿入地荒孔海池京邑雙河
沼帝鄉修躬思勵已撫俗愧時康元首佇鹽梅股肱唯
輔弼羽賢崆嶺四翼聖襄城七澆俗庶反淳替文聊就

質已知隆至道共歡區宇一

奉和執契靜三邊應詔

許敬宗

玄塞隔陰戎朱光分昧谷地遊窮北際雲崖盡西陸星
次絕軒臺風衢乖禹服寰區無所外天覆今咸育竄苗
猶有孽戮負自貽辜網踈妖鮪漏盤藪怪禽逋髯飛尚
假息乳視慙稽誅乾靈振玉弩神畧運璇樞日羽廓遊
氣天陣清華野昇暉光西夜馳恩溢東瀉揮袂靜崑炎
開關納流楮錦輶凌右地華纓羈大夏清臺映羅葉玄

泚控瑤池駝鹿輸珍貺樹羽饗來儀輟餽觀化雨栖藥
萃條支薰風交閭闕就日泛濛漪充庭延飲至絢簡敷
春藻迎姜已創圖命力方論道昔託遊河乘再備商山
皓欣逢德化流思效登封草

觀大駕出叙事寄懷

釋法輪

紫臺霄漏竭青門曙鼓通輕霞照複道徐吹轉相風玉
鑿光萬騎金輿萬五戎鳴笳猶度關清蹕尚喧宮雲旗
亂陌紫羽旆雜塵紅百城歸北麗兩漢久慙雄吾曹陋

薄技餘慶洽微躬平原已起洛印手亦還豐得奉衣冠
盛仍觀書軌同猶言待封告未忍向華嵩

織錦作太平詩

新羅王真德

永徽五年

合從本傳作元年

新羅王真德

即新羅王金真平女也平卒無子女乃嗣

立為王

大破百濟之衆其弟子春秋之子法敏以聞德真

乃織錦作五言太平詩以獻之其詞曰

大唐開洪業巍巍皇猷昌止戈戎衣定修文繼百王統
天崇雨施治物體含章深仁諧日月撫運邁時康幡旗

既赫赫征

一作鉦

鼓何鏗鏗外夷違命者剪覆被天殃和

風凝宇宙

一作淳風
凝幽顯

遐邇競呈祥四時調玉燭七耀巡

萬方維嶽降宰輔維帝任忠良五三咸一德昭我皇家

唐

在雋州遥叙封禪

李義府

天齊標巨鎮日觀啟崇祠峇堯臨渤海隱嶙控河沂建
嶽誠為長升功諒在茲帝猷符廣運玄範暢文思飛聲
總地絡裁化撫乾維瑞策開珍鳳禎圖薦寶龜創封超

昔夏修禪掩前姬東后方肆覲西都導六師肅駕移星
苑揚罕馭風司沸鼓喧平陸凝蹕靜通遠汶陽馳月羽
蒙陰警電麾巖花飄曙輦峯葉蕩春旗石閭環藻衛金
壇映黼帷仙階溢秘柜靈檢耀祥芝三始貽遐貺萬歲
受重釐菲質陶恩獎趨迹奉軒墀解網淪幽裔乘徽限
明時周南昔已歎邛西今復悲

宣政殿芝草

前人

明王敦孝感寶殿秀靈芝色帶朝陽淨光涵南露滋且

標宣德重更引國恩施聖祚今無限微臣樂未移

奉和皇帝上

集作丘

禮撫事述懷

陳子昂

大君忘自我應運居紫宸揖讓期明辟謳歌且順人軒
宮帝圖盛皇極禮容申南面朝萬國東堂會百神雲陛
旗常滿天庭玉帛陳鐘石和睿思雷雨被深仁承平信
娛樂王業本艱辛願罷瑤池宴來觀農扈春卑宮昭夏
禮尊老睦堯親微臣敢拜手歌舞頌惟新

皇帝上

丘 一作丘

禮撫事述懷

李嶠

配極輝光遠承天顧託隆負圖濟多難脫履歸成功聖
道昭永錫邕言讓在躬還推萬方重咸仰四門聰恭已
忘自逸因人體至公垂旒滄海宴解網法星空雲散天
五色春來日再中稱觴合纓弁率舞應絲桐凱樂深居
鎬傳歌盛飲豐小臣濫簪筆無以頌唐風

扈從登封途中作

宋之問

帳殿鬱崔嵬仙遊實壯哉曉雲連幕卷夜火雜星回谷

暗千旗出山鳴萬乘來
扈遊良可賦終乏揆天才

扈從登封告成頌

前人

御路迴中嶽天宮接下都
百靈無後至萬國競前驅
文衛嚴清蹕幽仙讀寶符
貝花明漢果芝草入堯厨
濟濟衣冠會喧喧夷夏俱
宗禋仰神理凱樂望仙途
撫已貧非病時來本不愚
愿陪丹鳳輦率舞向天衢

頌

前人

複道開行殿鉤陳列禁兵
和風吹鼓角佳氣動旗旌
後

騎迴天苑前山入御營萬方俱下拜相與樂昇平

松山嶺

前人

翼翼高旌轉鏘鏘鳳輦飛塵銷清蹕路雲濕從臣衣白
羽搖丹壑天宮逼翠微芳聲耀今古四海警宸威

龍池篇

沈佺期

龍池濯龍龍已飛龍德光天天不違池開天漢分黃道
龍向天門入紫微邸第樓臺多氣色君王鳧鴈有光暉
為報寰中百川水來朝北地莫東歸

大同殿生玉芝龍池上有慶雲百官共覩聖恩

便賜宴樂因書即事

王維

欲笑周文歌宴鎬遙輕漢武樂橫汾
豈如玉殿生三秀詎有銅池出五雲
陌上堯樽傾北斗樓前舜樂動南薰
共歡天意同人意萬歲千秋奉聖君

駕出長安

王昌齡

聖德超千古皇風扇九圍
天回萬象出駕動六龍飛
淑氣來黃道祥雲覆紫微
太平多扈從文物有光輝

駕幸河東

前人

晉水千廬合汾橋萬國從開唐天業盛入沛聖恩濃下
輦回三象題碑任六龍睿明懸日月千載此時逢

皇帝聖感詞四首

盧綸

提劍雲雷動垂衣日月明禁花呈瑞色國老見星精發
棹魚先躍窺巢鳥不驚山呼一萬歲直入九重城

二

天衣五鳳彩御馬六龍文雨露清馳道風雷翊上軍高

旌花外轉行漏嶽前聞時見金鞭舉空中指瑞雲

三

妙算干戈止神謀宇宙清兩階文物盛七德武功成校
獵長楊苑屯軍細柳營歸來獻明主歌舞溢春城

四

天樂下天中雲輶儼在空鉛黃艷河漢笑語合笙鏞已
見長隨鳳仍聞不射熊君王親試舞闔闔靜無風

天長地久詞五首

前人

玉砌紅花樹香風不敢吹春光解人意偏發殿南枝

天長

地久萬年枝

二

虹橋千步廊半在水中央天子方清暑宮人重暮粧

天長

地久萬年昌

三

辭輦復當能傾心奉六宮君王若看貌甘在衆妃中

天長

地久萬年通

四

雲日呈祥禮物殊彤庭生獻五單于塞天萬里無飛鳥
可在邊城用邛都

五

臺殿雲涼秋日微君王初賜六宮衣樓船泛罷歸猶早
行遣才人鬪射飛

大禮畢皇帝御丹鳳門改元建中大赦

李益

大明曠曠天地分六龍負日升天門鳳凰飛來銜帝籙
言我萬代金皇孫靈鷄鼓舞承天赦高翔百尺乘朱幡
宸居穆清受天歷建中甲子合上元昊穹景命即已至
王事乃可酌乾坤升中告成答玄貺泥金檢玉昭鴻恩
雲亭之事畧可記七十二君寧獨尊小臣欲上封禪草

集作表久而未召集作就歸陵園

還京樂歌詞

竇常

百戰初休十萬師國人西望翠華時家家盡唱升平曲

帝幸黎園親製詞

春日奉獻皇壽無疆詞十首 楊巨源

文物京華盛謳謠國步康瑤池供壽酒銀漢麗宸章
靈雨含雙闕雷霆肅萬方代推仙祚遠春共聖恩長
鳳宸臨花暖龍鑪旁日香遙知千萬歲天意奉君王

二

鴛鴦彤庭際軒車綺陌前九城多好樂萬井半祥煙
人醉逢堯酒鴛歌答舜絃花明御溝水香暖禁城天賜宴

文逾盛徵歡物更妍無窮艷陽月長奉太平年

三

雲陛臨黃道天門在碧虛大明含睿藻元氣抱宸居
戈偃征苗後詩傳宴鎬初年華富仙苑時哲滿公車
化入網緼大恩垂渙汗餘悠然萬方靜風俗揖華胥

四

玉漏飄青瑣金鋪麗紫宸雲山九門曙天地一家春
瑞靄方呈賞暄風本配仁巖廊開鳳翼水殿壓黿身
文雅

逢明代歡娛及賤臣年年未央闕恩共物華新

五

垂拱乾坤正歡心品類同紫煙含北極玄澤付東風珠
綴留晴景金莖直曉空發生資盛德交泰讓全功間氣
登三事祥光啓四聰遐荒似川水天外一朝宗

六

代是文明晝春當宴喜時鑪煙添柳重宮漏出花遲漢
典方寬律周官正採詩碧霄傳鳳吹紅旭在龍旗造化

膺神契陽和沃聖恩無因隨百獸率舞奉丹墀

七

睿德符玄化芳情翊太和日輪皇鑒遠天仗聖朝多曙
色含金榜晴光轉玉珂中宮陳廣樂元老進賡歌蓮葉
看龜上桐花識鳳過小臣空擊壤滄海是恩波

八

物象朝高殿簪裾溢上京春當九衢好天向萬方明樂
報簫韶發杯看沆瀣生芙蓉丹闕暖楊柳玉樓晴閭闔

開中禁衣裳儼太清南山同聖壽長對鳳凰城

九

日上蒼龍闕香含紫禁林晴光五雲疊春色九重深賞
叶元和德文垂雅頌音景雲隨御輦顥氣在宸襟永保
無疆壽長懷不戰心聖朝多慶賜瓊樹粉墻陰

十

化洽生成遂功宣動植知瑞凝三秀草春入萬年枝鳳
掖嘉言進駕行喜氣隨仗臨丹地近衣對碧山垂渥澤

方柔遠聰明本聽卑願同東觀士長對漢威儀

大和戊申歲大有年詔賜百寮出城觀秋稼謹

書盛事以俟采詩者

劉禹錫

長安銅雀鳴秋稼與雲平玉燭調寒暑金風報順成川
原呈上瑞恩澤賜閒行欲返皇城掩猶聞歌吹聲

今皇帝陛下詔徵兵不日功集河湟諸郡次

第歸降臣獲覩聖功輒獻歌詠

杜牧

捷書皆應睿謀期十萬曾無一鏃遺漢武慙誇朔方地
周宣休道太原師威加塞外寒來早恩入河源凍合遲
聽取滿城歌舞曲涼州聲韻遠參差

奉和白相公聖德和平致茲休運歲終功就合

詠盛明呈上三相公

前人

行看鵬破好年光萬壽南山對未央點戛可汗修職貢
文思天子復河湟應須日馭西巡狩不假星弧北射狼
吉甫裁詩歌盛業一篇江漢美宣王

歌詠聖德追懷天寶因題關亭

聖敬文思業太平海寰天下唱歌行
秋來氣勢洪河壯霜後精神泰華寧
廣德有強朝萬國用賢無敵是長城
君王若悟治皮諭安史何人敢弄兵

宣政殿前陪位觀冊憲宗皇帝尊號

薛逢

樓頭鐘鼓遞相催曙色當衙曉仗開
孔雀扇分香案出袞龍衣動冊函來
金泥照耀傳中旨玉節從容引上台

盛禮永尊徽號畢聖慈南面不勝哀

元日樓前觀仗二首

前人

千門曙色鏢寒梅五夜踈鐘曉箭催寶馬占堤朝闕去
香車爭路進名來天臨玉几班初合日照金鷄仗欲迴
更傍紫微瞻北斗上林佳氣滿樓臺

二

曈曈初日照樓臺漠漠祥雲雉扇開星駐冕旒三殿曉
雲翻珠翠六宮來山呼聖壽煙霞動風轉金章鳥獸迴

欲識普恩無遠近萬方歡抃一聲雷

三年冬大禮五首

曹唐

皇帝齋心潔素誠自朝真祖報升平華山秋草多歸馬
滄海寒波絕洗兵銀箭水殘河勢斷玉爐煙盡日華生
千官整肅三天夜劔佩初聞入太清

二

海日西飛度禁林太清宮殿月沉沉不聞北斗傾堯酒
空覺南風入舜琴歌壓鈞天閒夢盡詔歸秋水道情深

雪風更起古杉葉時送步虛清磬音

三

太一天壇降大君屬車龍鶴夜成羣春浮玉藻寒初落
露拂金莖曙欲分三代樂迴風入律四溟歌駐水成文
千官不動旌旗下日照南山萬樹雲

四

山擁飛雲海水清天壇未夕仗先成千官不起金滕議
萬國空瞻玉藻聲禁火曙然煙焰裊宮衣寒拂雪花輕

側聞左右皆周呂看取從容致太平

五

太和琴暖發南薰水濶風高得細聞
滄海舉歌夔是相
歷山迴禪舜為君翠微呼處生丹障
清淨封中起白雲
今日病身慙小隱欲將泉石勒移文

昇平詞五首

前人

瑞氣遶宮樓皇居上苑遊
遠岡連聖祚平地載神州
會合兼重譯潺湲近八流
中興豈假問據此自千秋

二

寥泚敞延英朝班立位橫
宣傳無草動拜舞有衣聲
鴛瓦霜消濕蟲絲日照明
辛勤自不到遙見似前程

三

處處是歡心時康歲已深
不同三尺劔應似五絃琴
壽笑山猶盡明嫌日有陰
何當憐一物亦遣斷愁吟

四

日日聽歌誼區中盡祝堯
蟲蝗初不害兵革近全銷
史

筆唯書瑞天臺絕見妖因令匹夫志轉欲事清朝

五

五帝三皇主蕭曹魏邴臣文章唯返朴戈甲盡生塵諫
紙應無用朝綱自有倫昇平不可記所見是閒人

朝元引四首

陳陶

帝燭熒煌下九天蓬萊宮曉玉爐煙無窮鸞鳳隨金母
來賀薰風一萬年

二

正雜詠
作玉殿雲開露冕旒下方珠翠壓黿頭天鷄唱罷南

山曙春色先歸十二樓

三

萬寓靈祥擁帝居東華元老薦屠蘇龍池遙望非煙拜
五色瞳矐在玉壺

四

寶祚河宮一向清龜魚天篆益分明近臣誰獻登封草
五岳齊呼萬歲聲

聖帝擊壤歌四十聲

前人

百六承堯緒艱難土運昌大虛橫彗孛中野鬪豺狼帝
曰更吾嗣時哉憶聖唐英星垂將校神嶽誕忠良鍊石
醫元氣屠鼉正昊蒼掃原鋪一德驅禘立三光大道重
蘇息真風再發揚芟夷踰舊跡神聖掩前王郊酒酎窳
廓鴻恩受渺茫地圖龜負出天誥鳳銜將雜貢來山峙
羣夷入鴈行紫泥搜海岱鴻筆富巖廊鷹象敷宸極寰
瀛作瑞坊泥丸封八表金鏡照中央構殿基一作麟趾

開藩表鳳翔鑿輿親稼穡朱幌務蠶桑戎羯輸天馬靈
仙侍玉房宮儀水精甲門衛綠沉槍陶鑄超三古車書
混萬方時巡望虞舜蒐狩法殷湯化合謳謠滿年豐鬼
蜮藏政源歸牧馬公法付神羊寶鼎無靈應金甌肯破
傷封山昭茂績祠執答嘉祥在昔宮闈僭仍罹羿浞殃
牝鷄何讖譎獒犬湯助勦苗禱三靈怒桓偷九族亡鯨
鯢尋掛網魑魅旋投荒松柏霜逾翠芝蘭露更香聖謨
流祚遠仙系發源長島嶼征徭薄漪澗汎稻涼鳧魚麋

飡啖荷薜足衣裳寤寐華胥國嬉遊太素鄉鷹鷂飛接
翼忠孝住連牆有叟能調鼎無媒隱釣璜乾坤資識量
江海入文章野鶴思蓬闕山麋憶廟堂泥沙空淬礪星
斗屢低昂歷草何因見衢樽豈暫忘終隨嘉橘賦霄漢
謁羲皇

歲仗

羅鄴

玉帛朝元萬國來鷄人唱曉五門開春排北極迎仙馭
日捧南山入壽杯歌舞薰風鏗劍佩祝堯佳象靄樓臺

可憐四海車書共重見蕭曹佐漢材

文苑英華卷一百六十七

欽定四庫全書

文苑英華卷一百六十八 宋 李昉等 編

應制一

錫宴四十六首

醕宴六首

錫宴

宴東堂

隋煬帝

雨罷春光潤日落暝霞暉海榴舒欲盡山櫻開未飛清
音出歌扇浮香飄舞衣翠帳全臨戶金屏半隱扉風花

意無極芳樹曉禽歸

春日玄武門宴羣臣

唐太宗

韶光開令序淑氣動芳年駐輦華林側高宴栢梁前紫
庭文樹滿丹墀袞紱連九夷遙瑤席五狄列瓊筵娛賓
歌湛露廣樂奏鈞天盈樽浮綠醕雅曲韻朱絃粵余君
萬國還慙撫八埏庶幾保貞固虛已厲求賢

宴中山

前人

驅馬出遼陽萬里轉旂常對敵六奇舉臨戎八陣張斬

鯨澄碧海卷霧掃扶桑昔去蘭紫翠今來桂染芳雲枝
浮碎葉冰鏡上朝光迴首長安道方歡宴栢梁

奉和宴中山應制

許敬宗

飛雲旋碧海解網宥青丘養更停八駿觀風駐五牛張
樂臨堯野揚麾歷舜州中山獻仙醑趙媛發清謳塞門
朱鴈入郊藪紫麟遊一舉氛霓靜千齡德化流

奉和天樞成宴夷夏羣僚應制

李嶠

轍迹銘西嶠勲庸紀北燕何如萬方會頌德九門前的

的臨黃道迢迢入紫煙仙盤正下露高柱欲承天山類
叢雲起珠疑大火懸聲流塵作劫業固海成田帝澤傾
堯酒宸歌掩舜絃欣逢下生日還覩上皇年

千秋節宴

唐玄宗

蘭殿千秋節稱名萬歲觴風傳率土慶日表繼天祥玉
宇開花萼宮懸動會昌衣冠白鷺下帟幕翠雲長獻遺
成新俗朝儀入舊章月銜花綬鏡露綴絲絲囊處處祠
田祖年年宴杖鄉深思一德事小獲萬人康

奉和千秋節宴應制

張說

五德生王者千齡啟聖人赤光來照夜黃雲上覆辰海
縣銜恩久朝章獻壽新高車帝座出夾道衆官陳梨仗
洗晴景磬管凝秋旻珠囊含瑞露金鏡抱仙輪何歲無
鄉飲何田不報神董歌與名節傳代幸羣臣

皇帝降誕日集賢殿賜宴 前人

仲秋金帝起五日土行標瑞表壬寅露光傳甲子宵陰
風吹大澤夢日照昌朝不獨華封老千年喜祝堯

集賢殿書院成送張說上集賢學士賜宴

得珍字

唐玄宗

廣學開書殿崇儒引席珍集賢昭集作招袞職論道命台

臣禮樂沿今古文章革舊新獻酬尊俎列賓主位班陳
節變雲初夏時移氣尚春所希光史冊千載仰茲辰

奉和聖製送赴集賢院

賦得
輝字

張說

侍帝金華講千齡道固稀位將賢士設書共學徒歸首
命深燕隗通經淺漢常列筵榮賜食送客貴儒衣賀驚

窺簷下遷駕入殿飛欲知朝野慶文教日光輝

同前

賦得
迎字

源乾曜

盛業光書府徵人盡國英司綸賢得相羣俊學為名寵
命垂天錫崇恩發睿情薰風清禁籟文殿述皇明日霽
庭陰出池煦水氣生歡娛此無限詩酒自相迎

同前

賦得
升字

秉淮

問道圖書盛尊儒禮教興石渠因學廣金殿為賢升日
月恩光照風雲寵命膺謀猷言可範舟楫事斯憑宴喜

明時洽光輝湛露凝大哉堯作主天下頌歌稱

同前

賦得
茲字

蘇頌

肅肅金殿裏招賢固在茲鏘鏘石渠內序拜亦同時宴
賜歡談道文成貴說詩用儒今作相敦學舊為師下濟
天光近中來帝渥滋國朝良史載能事日論思

同前

賦得
西字

韋抗

廣庭臨壁沼多士侍金闈英宰文儒叶明君日月齊集
賢光首拜改賜發新題早夏初移律餘花尚拂蹊壺觴

接雲上經術引關西聖德鴻名遠將陪玉檢泥

同前

賦得
迴字

程行誥

聖主崇文化鏘鏘得盛才相因歸夢立殿以集賢開象
繫微言闡詩書至道該堯樽承帝澤禹膳自天來禮洽
歡逾長風恬暑更迴國朝將舜頌同是一康哉

同前

賦得
虛字

徐堅

宗文德化洽新殿集賢初庸菲參嘉選首濫承明廬殊
私光輔弼榮送到簪裾座引中厨饌杯錫上樽餘翠葉

濃丹苑晴空卷碧虛忝同文史地願草登封書

同前

賦得
催字

李嵩

偃武堯風接崇文漢帝恢集賢更內殿清選自中台佐
命留侯業詞華博物才昊天千品降夏旨百壺催鴛鴦
方成列神仙喜暫陪復欣同拜首叨此頌良哉

同前

賦得
登字

蕭嵩

帝曰簡才能旌賢在股肱文章體一變禮樂道逾弘芸
閣英華入賓門鴛鴦登恩筵過所望聖澤實超恒夏葉

開紅藥餘花發紫藤微臣亦何幸叨此預文明

同前

賦得
私字

李元紘

碩儒延鳳沼金馬被鴻私饌玉迴丹禁賤花降紫墀銜
恩傾旨酒鼓舞詠康時
顰靚羣書緝逾昭盛業丕接筵
欣有命擲管媿無詞自驚一何幸太陽還及葵

同前

賦得
謨字

賀知章

西學垂玄覽東堂發聖謨天光燭武殿時宰集鴻都枯
朽霑皇澤翺飛舞帝梧跡同遊汗漫榮是出
集作
汗塗

三歎承湯鼎，千歡接舜壺。微軀不可答，空欲詠依蒲。

同前

賦得
今字

陸堅

聖主崇文教，層霄降德音。尊賢澤既厚，式宴寵逾深。復有夔龍相，良哉簡帝心。得人惟邁昔，多士諒推今。書殿榮光滿，儒門喜氣臨。顧惟誠濫吹，徒此接衣簪。

同前

賦得
賓字

劉昇

圖書應明主，策府宴嘉賓。台曜臨東壁，乾光自北辰。網羅窮象繫，述作究天人。聖酒千鍾洽，仙厨百品陳。成山

徒可仰涉海詎知津幸逢文雅盛還覩頌聲新

同前

賦得
風字

褚琇

講習延東觀趨陪盛北宮惟師恢帝則敷教叶天宣
室恩常異金華禮更崇洞門清永日華綬接徽風蓬降
堯厨翠榴開舜酒紅文思光萬宇高議待升中

同前

賦得
筵字

王翰

東堂起集賢貴得從神仙首命台階老將崇御府員送
人鏘玉佩中使拂瓊筵和樂春風解湛恩時雨連長材

咸磊落短翮強翮翮徒仰蓬萊峻何階不讓緣

同前

賦得
蓮字

趙冬曦

淺術方觀海深恩忽見天學開丹殿籍名與石渠賢良
輔膺休命微生謬採甄春餘仍哢鳥夏近未舒蓮牋札
來宸禁衣冠集詔筵史臣知醉德欲記升平年

同前

賦得
華字

韋述

脩文中禁啓改物令名加台座徵人傑書坊應國華賦
詩開廣宴賜酒酌流霞雲散明金闕池開照玉沙掖垣

留宿鳥溫樹落餘花謬此天光及銜恩醉日斜

左丞相說右丞相璟太子少傅乾曜同日上官

命宴都堂賜詩一首

唐玄宗

赤帝收三傑黃軒舉二臣由來丞相重分掌國之均我
有握中璧雙飛席上珍子房推道要仲子訝風神復輟
台衡老將為調護人鴛鴦同拜日車騎擁行塵樂聚南
宮宴觴連北斗醇俾予成百揆垂拱問彝倫

奉和御製說璟乾曜同日上官命宴都堂賜詩

一首應制

張說

大塊鎔羣品經生偶聖時猥承三事命虛忝百僚師右
揆謀華碩前星轉重資連騫求舊禮濫玷樂賢詩賜釜
同榮拜擬金宴宰司菊花吹御酒蘭葉捧天詞寶曆休
明盛顏年晷漏衰少留青史筆未敢赤松期

同前

宋璟

承相邦之重非賢諒不居老臣庸且憊何德以當諸厚
秩先為忝崇班復此除太常陳禮樂中掖降簪裾聖酒

江河潤仙丈象締舒冒恩懷寵錫陳力省空虛郭隗慙
無駿馮諼愧有魚不知周勃者榮幸定何如

同前

源乾曜

睿作超千古湛恩育萬人遞遷齊荷澤同拜忽為隣道
洽音徽暢芳馳景命新鼓鐘崇享禮駕鷺集朝倫竊位
思官諂凋容謝木春慙多無以叙拙實固難陳進級懷
三少承光盡百身自當歸第日何幸列宮臣

同前

蕭嵩

審官思共理多士屬誰當
歷選台庭舊來熙帝業昌
入朝師百辟論道協三光
垂拱咨元老親賢輔少陽
登崇崇禮送寵德曜宸章
御酒飛觴洽仙闈雅樂張
荷恩恩有報陳力愧無良
願罄忠公節同心奉我皇

同前

裴光庭

樂賢聞往誥褒德偶茲辰
端揆昇元老師謀擇累仁
紫庭崇讓畢粉署禮容陳
既荷恩榮舊俱承寵命新
天丈懸瑞色聖酒泛華茵
雜遝喧簫鼓歡娛洽縉紳
掖垣招

近侍虛薄廁清塵
共保堅貞節
常期雨露均

同前

宇文融

申甫生周日宣慈
舉舜年何如偶昌運
比德邁前賢
寵護元良密
榮瞻端揆
遷職優三事
老位在百僚
先北極
迴宸渥
南宮飾御筵
飛文瑤札降
賜酒玉杯傳
謬列台衡重
俱承雨露偏
誓將同竭力
相與效塵涓

書殿賜宴應制

徐安貞

校文常近日賜宴
忽昇天酒正傳杯
至饗人捧案前
玉

階鳴溜水清閣引歸煙共惜芸香暮春風幾萬年

奉和賜史供奉曲江宴應制 王維

侍從有鄒枚瓊筵就水開言陪栢梁宴新自建章來對
酒山河滿移舟草樹迴天文同麗日駐景惜行盃

麗正殿賜宴同勒天前烟年四韻應制

王灣

金殿忝陪賢瓊羞忽降天鼎羅仙掖裏觴拜鏤闌前院
逼青霄路厨和紫禁煙酒空歡抃舞何以答昌年

麟德殿宴百僚

唐德宗

憂勤承聖緒，開泰喜時康。
恭已臨羣后，垂衣御八荒。
務閒春向暮，朝罷日猶長。
紫殿初筵列，彤庭廣樂張。
成功歸輔弼，致理賴忠良。
共此歡娛事，千秋樂未央。

奉和麟德殿宴百僚應制

盧綸

雲闕御筵張，山呼聖壽長。
玉欄豐瑞草，金陛立神羊。
台鼎資庖膳，天星奉酒漿。
蠻夷陪作位，犀象舞成行。
網已祛三面，歌因守四方。
千秋不可極，花發滿宮香。

同前

宋若昭

垂衣臨八極肅睦四門雍自是無為化非關輔弼功修
文昭隱伏尚武殄妖克德立韶光被恩霑雨露濃衣冠
陪御宴禮樂盛朝宗萬代稱觴舉十年信一同

同前

鮑文姬

鮑徵
君女

睿澤光寰海功成展武韶戈鋌清外壘疑文物盛中朝
聖祚山河固宸章日月昭玉筵鸞殿疑集仙管鳳凰調
御柳低新綠宮鴛乍轉嬌願將億兆慶千祀奉神堯

奉和四月上陽宮賜宴應制

孫逖

今日逢初夏歡遊續舊旬
氣和先作雨恩厚別成春
鳳吹臨清洛龍輿下紫宸
此中歌在藻還見躍潛鱗

春晚宴兩相及禮官麗正殿學士探得風字

唐玄宗

乾道運無窮恒將人代工
陰陽調歷象禮樂報玄宗
介冑清荒外衣冠佐域中
言談延國輔詞賦引文雄
野霽

伊川綠郊明鞏樹紅冕旒多暇景詩酒會春風

春晚侍宴麗正殿得開字 張說

聖政惟稽古賓門引上才坊因購書立殿為集賢開旒
彥星辰下仙章日月迴字如龍負出韻是鳳銜來庭柳
餘春駐宮櫻早夏催喜承芸閣宴幸捧栢梁杯

端午三殿宴羣臣探得神字 唐玄宗

五月符天數五音調夏鈞舊來傳五日無事不稱神穴
枕通靈氣長絲續命人四時花競巧九子粽爭新方殿

臨華節圓宮宴雅臣進對一言重適文六義陳股肱良
足詠風化可還淳

端午三殿侍宴應制得魚字 張說

小暑夏絃應微陰商管初願齋長命縷來續大恩餘三
殿褰珠箔羣官上玉除助陽嘗麥堯順節進龜魚甘露
垂天酒芝花捧御書含丹同蠆蜓灰骨共蟾蜍今日傷
蛇意銜珠遂闕如

恩勅賜食於麗正殿書院宴應制

前人

東壁圖書府西園翰墨林
誦詩聞國政講易見天心
位竊和羹重恩叨醉酒深
緩歌春興曲情竭為知音

酺宴

奉和上元酺宴應詔

楊炯

甲乙遇災年周隨送上絃
祆星六丈出沴氣七重連
赤縣空無主蒼生欲問天
龜龍開寶命雲火昭靈慶
萬物覩真人千秋逢聖政
祖宗玄澤遠文武休光盛
大號域

中平皇威天下驚參辰昭文物宇宙泱聲明漢后三章

令周王五代兵匈奴窮地角本字疑遠正朔驕子起天

街由來虧禮樂一衣掃風雨再戰夷心剝清明日月旦

蕭索煙雲渙寒暑既平分陰陽復貞觀惟神諧妙物乃

聖符幽贊下武發徵祥平階屬會昌金泥封日觀壁水

匝明堂業盛勛華德與包天地域孝思義罔極易禮光

前式天渙疑三辰輝靈書五雲色敬時窮發歛卜代盈

千億五綿聚華軒光重入望國公卿論至道天子拜昌

言雷解初開出星空即便元瑤臺涼景薦銀闕秋陰遍
百戲騁魚龍千門壯宮殿深仁洽蠻徼愜樂周寰縣宣
室召羣臣明庭禮百神仰德還符日霑恩更似春襄城
非牧豎楚國有巴人

洛城觀酺宴應制

陳子昂

聖人信恭已天命允昭回蒼極神功被青雲祕錄開垂
衣受金冊張樂宴瑤臺雲鳳休徵滿魚龍雜戲來崇恩
踰五日惠澤暢三才玉帛羣臣醉徽章縉禮該方覩升中

禪言觀拜洛迴微臣固多幸敢上萬年杯

廣達樓下夜侍醑宴應制 蘇頲題

東岳封迴宴洛京西墉通晚會公卿樓臺絕勝宜春苑
燈火還同不夜城正覩人間朝市樂忽聞天上管絃聲
醑來萬舞羣臣醉喜載千年聖主明

奉和登封禪禮畢洛陽醑宴應制

張九齡

大君畢能事端宸樂成功運與千齡合歡將萬國同漢

酺歌聖酒韶樂舞薰風河洛榮光遍雲煙喜氣通春花
頓覺早天澤倍知崇草木皆霑被猶言不在躬

奉和十五夜燃燈繼以酺宴之作應制

王維

上路笙歌滿春城刻漏長遊人多晝日明月讓燈光魚
鑰通翔鳳龍輿出建章九衢陳廣樂百福透名香仙

集作

神妓來金殿都人遶玉堂止應

集作定應

偷艷舞從此學新

粧奉引迎三事司儀立萬方願將天地壽同以獻君王

夏月花萼樓醮宴應制

王昌齡

土德三元正堯心萬國同汾陰備冬禮長樂應和風賜
慶垂天澤流歡舊渚宮樓臺生海上簫鼓出天中霧曉
筵初接宵長曲未終雨隨行幕合月照舞羅空玉陛分
朝列文章發聖聰愚臣忝書賦歌詠頌絲桐

文苑英華卷一百六十八